



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 19. Uscovienses Ecclesiæ interdicti Ecclesiastico subjectæ.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Pereiræ, quem etiam suum Cubicularium dixit: pauperibus quoque in Hospitali prope Ecclesiam S. Clementis quadringenta scuta, & octoginta studiosæ juventuti in Romano Seminario submisit, pluraque alia religiosæ liberalitatis monumenta reliquit.

Sæc. XVIII.
A. C. 1738.

§. XIX.

Vschovienses Ecclesiæ interdictio Ecclesiastico subjectæ.

Ineunte Mense Novembri execrandæ malitiæ facinus Fraustadii in Polonia perpetratum est; quidam enim viginti ferme annos natus juvenis nomine Wonschiewiz Rhetorices studiosus ob delictum, nescio quale a P. Michaele Kryger scholarum Præfecto ferulæ supplicio addicebatur; id cum hic studiosus in nominis sui infamiam cedere crederet, non modo scholam frequentare neglexit, sed etiam per suos Sodales Præfecto denuntiari jussit, quod si illum vi ad Scholam pertrahere attentaret, certo certius glande plumbea ab ipso trajectum iri. His tamen minis Præfectus neutiquam territus, unacum quodam Socio ad Studiosi ædes contendit, eum ad Seminarium reducturus. Vix autem cubile ingreditur, cum Studiosus, quid rei subesset, probe gna-

Sæc. XVIII. gnarus, scelopum jam antea concisa
 A. C. 1738. giande oneratum laxat, & Præfectum
 exanimem sternit: mox autem patrato
 scelere ad proximam confugit Eccle-
 siam, indeque clam elapsus tempestiva
 fuga e Regno excessit. Criminis atro-
 citate perculsus Josephus Thaddeus de
 Kiekoy Kierski Episcopus Bolinensis
 Parricidam anathemati obnoxium de-
 clarat, omnesque Vschovienses Eccle-
 sias tam Catholicas, quam Luthera-
 nas & Calvinianas Ecclesiastico inter-
 dicto supponit, promulgato edicto
 sequenti.

*Josephus Thaddæus de Kiekrz, Kierski
 Dei & Apost. Sedis gratia Episcopus Bo-
 linensis, Suffraganeus Præpos. Cathedr.
 Sede vacante Episcopatus Posnaniensis in
 spiritualibus, & temporalibus Administra-
 tor Generalis.*

„Illustribus, admodum Reverendis,
 „Religiosis, Venerabilibus, Honoran-
 „disque Viris, Decanis Foraneis, Præ-
 „positis, Parochis, Commendariis &c.
 „in Decanatu Vschoviensi, Diæcesis
 „Posnan. constitutis, Salutem in Do-
 „mino.,,

„Magno cum animi nostri dolore
 „accepimus, quomodo paucos ante
 „dies, studiosus Joannes Wonsiewicz,
 „ex oppido Keblowo oriundus, timore
 „Dei postposito, oblitus gratitudinis
 „Pro-

„Professoribus debitæ, instinctu mali- Sæc. XVIII.
 „gni spiritus ductus, in detestabilem A. C. 1738.
 „porumpens audaciam, Religiosum & ad-
 „modum Reverendum in Christo Patrem,
 „Michaelem Kryger S. I. Residentiæ
 „Presbyterum & ibidem scholarum præ-
 „fectum, ad hospitium dicti studiosi ad-
 „venientem, nihil mali evenire speran-
 „tem, in ipso introitu per explosionem
 „bombardæ pulvere, & globulis onustæ,
 „animo deliberato & præmeditato in-
 „terficere ausus est. Ne itaque dicto
 „Presbytericidæ scelus hujusmodi pa-
 „tratum impunitum transeat, aliisque
 „similia præsumptibus in perniciosum
 „vergat exemplum, Nos in talibus di-
 „spositioni Constitutionis Synodalis Pro-
 „vincialis inhærendo, eundem Pres-
 „bytericidam in sententiam Excommu-
 „nicationis Papalis ipso facto incurruisse
 „ac incidisse declaramus, ac locum,
 „ubi præfatum Presbytericidium patra-
 „tum est, necnon omnes Ecclesias,
 „tam Parochiales, quam Regulares,
 „in Decanatu Vschoviensi consistentes
 „Ecclesiastico subjicimus interdicto.
 „Quocirca significamus, & in virtute
 „S. Obedientiæ & sub excommunica-
 „tionis pœna Vobis supra scriptis exe-
 „cutionem mandamur, quatenus, ut
 „idem malefactos omnibus innotescat,
 „durante ejusmodi interdicto, a divi-
 „nis

Sæc. XVIII. „nis officiis vestris in Ecclesiis, ex
 A. C. 1738. „ceptis festis solemnioribus videlicet
 „Nativitatis, Paschæ, Pentecostes, in
 „quibus licitum erit campanas pulsare,
 „& januis apertis alta voce divina offi-
 „cia celebrare, Excommunicatis pro-
 „sus exclusis, sed interdictis admittis,
 „a longe ab Altare stantibus, cessetis.
 „Populo vero omnibus diebus Domi-
 „nicis & Festivis sono percussæ tabulæ
 „convocato, exhortatione præmissa ac
 „jejuniis indictis, causam ejusmodi
 „interdicti Nostri exponatis, & præfa-
 „tum Presbytericidam, ter pulsatis cam-
 „panis & candelis accensis ac demum
 „extinctis in terramque projectis, ex-
 „communicatum esse publice denun-
 „tietis denuntiarique curetis. Neque
 „in iisdem Ecclesiis vestris Sacramenta
 „aliqua, excepto baptismo parvulorum,
 „& pœnitentia morientium, admini-
 „strare audeatis; sepulturam ecclesia-
 „sticam omnino denegando. Quod
 „quidem interdictum & præmissa om-
 „nia volumus per vos inviolabiliter ob-
 „servari, ac per Decanatum via curso-
 „ria transmitti, & tam diu exequi, do-
 „nec aliud a Nobis habueritis in man-
 „datis. Hocce quoque Edictum ad
 „Fana tam sectæ Lutheranæ quam
 „Calvinianæ in eodem Decanatu Vſcho-
 „vienti existentia extendimus, & in
 „iis

„iisdem, stante ejusmodi Interdicto, Sæc. XVIII.
„Devotionem earundem Sectarum, pul- A. C. 1738.
„sum campanarum sub pœnis arbitra-
„riis, tum quoque apertionem forium
„ad eadem sana, sub pœna obfigilla-
„tionis eorundem, serio inhibemus.
„In quorum fidem. Datum in Cancel-
„laria Officii Administratorialis Posna-
„niensis. Die 23. Mensis Novembris.
„Anno Domini 1738. „

(L. S.)

*Josephus, Episc. Bolinensis,
Suffr. Præp. Cath. Ad-
min. Gen.*

*Mich. Antonius Medkowski,
Apostolicus Et Officii Ad-
ministr. Posn. Actuarius
Notarius.*

Postea

Sæc. XVIII. Postea tamen, cum per publicam
 A. C. 1728. delicti vindictam scandalum fatis repa-
 ratum crederetur, Varsoviensis Nun-
 tius Apostolicus Posnaniensi Suffraga-
 neo interdictum relaxandi potestatem
 fecit.

§. XX.

*Levis contentio inter Archiepiscopum
 Colonensem & Leodiensem
 Episcopum.*

Mortuo, ut retulimus, Nicolao Prin-
 cipe Abbate Stabulensi ac Malme-
 dyensi Ord. S. Benedicti, die secunda
 Augusti Deodatus Drion nonnisi tri-
 ginta annos natus in Abbatem, S. R. J.
 Principem & Lognæ Comitem post vi-
 ginti novem Gremialium scrutationes
 eligebatur: Ubi autem de ejus conse-
 cratione actum erat, quædam conten-
 tio exorta est; cum enim hæc Abbatia
 tam ad Colonensem, quam ad Leo-
 diensem Diæcesin sese extendat; uter-
 que Episcopus fundatum consecrandi
 jus habere videbatur: Hanc suboritu-
 ram esse difficultatem probe prospexe-
 rant viduatæ Abbatix Religiosi, quo-
 circa rem summi Pontificis judicio re-
 linquebant, qui tamen, ne Colonensis
 aut Leodiensis juribus quicquam dero-
 garet, jam priori anno ad Neo- electum
 Abba-